

Reality Poem

Linton Kwesi Johnson

Dis is di age af reality
But some a wi a deal wid mitalagy
Dis is di age af science an' tekmalagy
But some a wi check fi antiquityW'en wi can't face reality
Wi leggo wi clarity
Some latch aan to vanity
Some hol' insanity
Some get vision
Start preach relijan
But dem can't mek decishan
W'en it come to we fite
Dem can't mek decishan
W'en it comes to wi rites
Man,
Dis is di age af reality
But some a wi deal wid mitalagy
Dis is di age af science an' tekmalagy
But some a wi check fi antiquityDem one deh gaan outta line
Dem naw live in fi wi time
Far dem she dem get sign
An' dem bline dem eye
To di lite a di worl'
An' gaan search widin
Di dark a dem doom
An' a shout 'bout sin
Instead a fite fi win
Man,
Dis is di age af reality
But some a wi deal wid mitalagy
Dis is di age af science an' tekmalagy
But some a wi check fi antiquityDis is di age af decishan
Soh mek wi leggo relijan
Dis is di age af decishan
Soh mek we leggo divishan
Dis is di age af reality
Soh mek we leggo mitalagy
Dis is di age of science an' tekmalagy
Soh mek wi hol' di clarity
Mek wi hol' di clarity

Mek wi hol' di clarity
Song Discussions is protected by U.S. Patent 9401941. Other patents pending.

Lyrics provided by
<https://damnllyrics.com/>